

中國佛寺志叢刊

趙樣初



清・王伊輯

三峰清涼寺志
(下)

廣陵書社

三峰清凉禅寺志

常熟三峰清凉禅寺志，十八卷首、卷末、卷、邑人王伊辑，民国排印本。

峰清凉禅寺介绍见前志。该书成书于光绪年间，翁同龢于光绪壬辰（1892）所作之序列于书首。辑者王伊同治初年（1862）曾在三峰清凉寺中读书达九年时间，课徒之暇，乐于咨访旧闻及山中故实。时任清凉禅寺住持的药龕和尚特请其为该寺续志。王氏治学严谨，遍览旧志并广收故实，成书二十卷。卷首为纪恩、旧序，卷一为山峰、梵宇，卷二为清规，卷三为寺产，卷四为禅宗，卷五为檀越，卷六为法要，卷七、卷八为法语，卷九至卷十七为艺文，分别为碑记、疏、引、序、跋、文、书、启、传、行状、塔铭、像赞、颂、诗等。卷十八为杂识，卷末有赵志校勘记。

卷首旧序共收六篇，全面而完整地反映三峰清凉禅寺志从严志、孙志、赵志到王志的过程。我们从王伊的赵志校勘记文中可以看出，辑者所下功夫之深。值得注意的是，该志定稿后，直未能成书，四十年后，方募刊而市。三峰清凉寺志后记中的几篇文章记录了募刊原委，通览全志，我们可以视该志为三峰清凉禅寺志书中最完备的一种。

王明发



禪堂志

釋二九六七年建末之月
本無居士蕭迅閣題

重修三峯清涼禪寺志敘

夫傳衣授拂佛子之緒下縣闢芥開芳綽行之室載起凡斯承創非可湮沈此清涼寺志所以重修焉斯志也植根於嚴子立幹於孫君迨古初而益附柯條景孝存而稍芟枝葉綜其體製蠲有規繩顯弟繄同課之時猶桑海未移之日厥後黃天半壁赤焰一山妖鳥飛翔珠林半萎毒虺突竄琳壁多傾凡今之眈眈精廬輝輝丈室雖有靈光之殿爲先古留遺已如建章之宮半焚餘興築且陰陽浩浩日月滔滔此日之山門依然大地當年之龍象渺矣諸天豈可使隻腹獨歸而光靈弗繹崇基再樹而締構靡章又況大略所以紹椎輪曾冰所以踵積水凡前書之疏闊須後賢之彌縫有待擷摭何容孫讓藥龕上人設桑門之饌供蓮界之燈招延王君任之志事於是補罅修漏匡謬正俗彙爲巨編來徵弁語余時乘休沐一寄園觀因紙上之招提觸心頭之迹象憶昔棲依先壠來往窮山曾與上人敞扃寮以坐風洞八窗而迎日維時萬松不動孤雲自流吐曜曜其半規泣品品以色樂此菴采歎爲勝遊今與藥龕別數年矣而乃佛性逾明禪觀不息祖庭之訓偕靈

塔齊修山寺之規共慧田俱廓遂因勝侶重訂專書焉乎可不謂賢歟夫佛氏以世界爲浮漚等影骸於寄寓猶且甄其陳迹永之奇觚則大城池館舍之圖土地人民之籍造士興賢之版通經合緯之文既有增加卽常蒐補况漢曆八卷司業一編徑途旣開軌武易接訊意自文學後裔鳩集以成篇迄今如春秋遺經麟亡而絕筆世閱嘉道咸同之遞嬗人乏鮑盧桑鄧之嗣興雖或蒼萃實徒考徵文獻而築室而謀之道治絲而益其棼朋言無成多端不理視彼叢林之興廢繁矣行間薪火之繼承皐然眼底不無悞悞良用心顏嗟夫景教流行十炫誦狂之論蠻邦游覽人調格磔之言觀里乘之護殘踵梵志而綴本不其難歟此余所以歎息彌襟流連掩卷者也若其紀載之詳略體例之疏密觀者得之靡勞舉矣

光緒壬辰閏月邑人翁同龢撰

清涼寺志目錄

山圖 侍刊寺圖侍刊

凡例

卷首

紀恩 舊序

卷一

山峯 梵宇 附三峯閣院

卷二

清規

卷三

寺產

卷四

禪宗

附三峯十二家

往昔實錄

清涼普傳

卷五

檀越

卷六

法要

卷七

法語上

卷八

法語下

卷九

藝文

碑記

卷十

藝文

疏
引
序
跋
文

卷十一

藝文

書
啓

卷十二

藝文

傳
行狀

卷十三

藝文

塔銘
像贊
頌

卷十四

藝文

詩內集上

卷十五

藝文

詩內集下
附雲蹤者舊諸僧詩

卷十六

藝文

詩外集上

卷十七

藝文

詩外集下

卷十八

雜識

卷末

趙志校勘記

清涼寺志凡例

一

聖朝

敕賜

御書經典寺額仍依趙志恭載卷首以冠全書茲特補入住持僧原志聞震上堂紀

恩法語二則孫志載之尤足證信

一虞山北麓岡壠相接林木蒼鬱勝概尤多三峯一隅耳茲爲寺志起見祇載與寺有關涉者其餘邑乘志之詳矣不備載

一三峯禪院相傳謂齊梁古刹碑記無考故邑志皆入建置未詳今以漢月開胤叢林始厥後代有增置書明某年某人建某年某人重修以示不忘凡屬院係三峯法派近在里中者附載於後

一叢林清規皆以百丈爲式然古今世殊南北風異要隨時地以制其宜不可一例論

也漢月初居三峰但蓮雲栖僧約十輩耳迨後命大樹主法清涼乃手定久遠清規
屬令永守原議十八條辭繁意複茲刪併爲十二條而於本旨概不敢遺漏

一寺產舊志分載田畝山地捐置姓氏頗詳自明天啓辛酉至 國朝道光壬辰年止
壬辰以後續增寺產均照常住開單補入但舊志田畝祇載坐落某處未注都圖茲
依官冊補注以便稽查山地丈尺四址各有界限不詳注

一禪宗自漢月開山遞代相承一脈貫注主法席者三十三人出處事蹟歷歷可紀或
住山在漢月前及同住而法派各別者別載往昔雲蹤至若漢月高弟及清涼耆舊
雖未主茲山而有功常住其人可傳者並附於後

一三峯功德主首推者三人趙少參之捨山包居士之買地陸待詔之捐田足爲法苑
金湯事皆卓卓可傳其餘或以財施或以力施或以筆墨施所施不同功德無異茲
仿靈隱志例別立檀越一門用志生平出處往昔因緣俾後之住山者有所考焉若
其人無事蹟可紀謹存姓氏以垂不朽

一天童志目有法要靈隱志目有法語然天童法要兼收法語亦錄箸述茲用其目而分其體漢月嗣法天童必欲建立綱宗故箸五宗原及論註說辨等篇今撮其要列入法要一門而法語別出

一漢月八會說法箸有八會語錄茲載其住三峯清涼寺語餘概不錄梵伊項目大樹各有上堂語庚申寇亂諸錄蕩然茲從仁山震燈史錄出數則繫庵住山不上堂別錄祇有示衆語錄其住三峯者碩揆搜得舉古一種存之以示大略

一趙志如碑記疏序小傳詩文均散附各條下茲搜採稍廣仍倣靈隱志例總列藝文一門分類編輯

一塔銘行狀像贊趙志皆缺孫志有之夫塔以藏骨銘以紀功聖僧古德坐化荼毘例得建塔亦有以肉身建塔院者漢月始於三峯終於鄧尉故塔在聖恩董其昌黃宗羲撰銘若大樹千華各有塔院在三峯趙士春撰銘是皆出名人手筆足光僧史不應刪削茲特補入惟碩揆塔在中峯舊有王澤宏翁叔元撰銘孫志亦失載今碑碣

無存遺文莫考實爲闕典俟他日搜獲續補

一詩分內外二集內集二卷專選僧詩自法藏至今住持照座皆主席三峯者其餘諸僧住什附後外集二卷專採名人題詠自唐常建以迄國朝趙允懷皆已往論定之人現存者不錄

一雜識前言往行遺聞軼事金石碑板圖書字畫或爲前人留貽或出長者持贈物必溯其由來義要歸於有據用資考證附綴於此

一史家體例以人繫代以事繫年月日凡志亦然趙志於年號干支差謬頗多姑舉一二如卷上第五頁大樹塔院下順治誤爲康熙十四頁金剛經石刻下康熙誤爲乾隆此年號之誤也卷下第二頁法藏下庚戌誤爲戊戌第三頁正志下乙丑誤爲己丑第五頁開聖下庚寅誤爲庚戌戊申誤爲戊戌此干支之誤也紀年一誤關係非細茲取孫淇舊志稿悉心參訂作趙志校勘記以糾其訛附於卷末非好指駁前輩也識者諒之

清涼寺志上回居上草創成書規模羈就竹香宿學搜羅續輯綱舉目張吟亭山人拾遺補闕復加考正嚴志凡例分卷十四孫併爲七而許因之三家遺墨屢經傳寫亥豕紛如道光庚寅趙氏昆仲聞鄉孝廉曼華啓簿相與商榷刪成三卷以付手民於是寺志始有刻本咸豐庚申寺燬於兵板片蕩然樂菴和尚收拾灰燼更正山門重建方丈香積廚兩宜軒聞思閣及諸寮舍以次修舉將營大殿復還舊觀稱嗣興焉余同治初讀書山寺九閱寒暑課徒多暇咨訪舊聞山中故實知之特詳客歲藥公招余入山以志事屬伊何人斯敢磨斯任藥公進曰庚寅迄今幾六十年復遭兵燹人事變遷不有紀載僧老法湮名藍舊蹟考稽何從余弗獲辭迺校舊稿兼討羣籍益有增無闕疑存信成二十卷凡例十二曰紀恩昭異數也曰山峯標勝概也曰梵宇詳建置也曰清規遵戒律也曰寺產關慧命也曰禪宗明法派也曰檀越重外護也曰法要立綱宗也曰法語揚道化也曰藝文資博覽也曰雜識綴遺聞也曰趙志校勘記糾舛訛也是志之成悉與藥公晨夕參訂深資匡助自丁亥春至戊子冬